



Pou Piblikasyon Imedya: 12/08/2022

GOUVÈNÈ KATHY HOCHUL

**GOUVÈNÈ HOCHUL ANONSE GWO OGMANTASYON NAN ITILIZASYON LWA  
'DRAPO WOUJ' FÒS DE LÒD NAN TOUT ETA A FÈ, K AP KENBE NOUYÒKÈ YO  
PWOTEJE KONT VYOLANS AK ZAM MOUN LAKÒZ KI POZE YON RISK POU TÈT  
YO OSWA LÒT YO**

*Esansyèlman plis aplikasyon pou drapo wouj nan twa mwa pase yo pase tout  
ANE 2021*

*Lapolis Eta rapòte plis pase 93 poustan ogmantasyon, Biwo Cherif Konte Suffolk  
la rapòte plis pase 75 poustan ogmantasyon nan aplikasyon pou drapo wouj yo*

*Pwogrè yo vini apre Gouvènè Hochul te egzekite Dekrè Egzekitif epi te adopte  
nouvo lejislasyon ki egzije egzekisyon Lwa sou Drapo Wouj la*

*Eta a pral ofri nouvo fòmasyon pou Lwa sou Drapo Wouj la an patenarya avèk  
Everytown for Gun Safety*

Gouvènè Kathy Hochul te anonse jodi a yon gwo ogmantasyon nan aplikasyon pou  
Òdonans Pwoteksyon kont Risk Ekstrèm (Extreme Risk Protection Order, ERPO) nan  
kad Lwa sou Drapo Wouj la—avèk esansyèlman plis ERPO yo depoze nan twa dènye  
mwa yo pase nan tout 2021 an. Ogmantasyon an vini apre Gouvènè Hochul te pran  
mezi desizif apre fiziyad nan mwa mas nan Buffalo a, pou pibliye yon Dekrè Egzekitif ki  
egzije Lapolis Eta a pou elajji itilizasyon Lwa sou Drapo Wouj la ak travay avèk lejislati a  
pou adopte nouvo lwa ki egzije tout ajans fòs de lòd yo nan New York pou ogmante  
itilizasyon òdonans ki potansyèlman sove lavi. Gouvènè Hochul te fè anons nan Konte  
Suffolk kote Biwo Cherif Konte a ap rapòte yon ogmantasyon plis pase 75 poustan nan  
itilizasyon Lwa sou Drapo Wouj la pandan twa mwa pase yo.

"Priyorite prensipal mwen kòm Gouvènè se kenbe Nouyòkè yo an sekirite", **Gouvènè Hochul te deklare.** "Apre fiziyad terib nan vil natal mwen, Buffalo, nou te pran mezi  
rapid ak desizif pou retire zam ilegal yo nan lari nou yo nan men moun ki t ap itilize yo  
pou fè tèt yo mal oswa lòt moun mal. Kounye a, nou wè efò nou yo ap fonksyone, gras  
ak efò ewoyik patnè nou yo nan lapolis ki nan avangad batay pou pwoteje sekirite piblik  
la ak mete fen nan fleyo vyolans ak zam".

Nan 18 me, kat jou apre fiziyad nan Buffalo a, Gouvènè Hochul te pibliye yon dekrè egzekitif ki mande Lapolis Eta a pou yo aplike pou yon ERPO kote gen yon kòz posib ke yon moun reprezante yon danje pou tè LI ak lòt yo. Nan 6 jiyè, yon nouvo lwa eta ke Gouvènè a te siyen te antre anvigè, elají dekrè sa pou tout ajans pou fè aplike lalwa yo ak avoka distri yo. Lwa a te ajoute nan lis la tou sila yo ki ka depoze òdonans.

Yon total 832 ERPO tanporè ak final te pibliye nan Eta New York nan twa mwa pase yo (Me - Out 2022), konpare ak 1,424 ki te pibliye soti out 2019 rive avril 2022.

Lapolis Eta a te depoze 184 aplikasyon pou drapo wouj depi Gouvènè Hochul te siyen Dekrè Egzekitif Nimewo 19 la nan 18 me 2022, yon ogmantasyon plis pase 93 pouzan nan 95 òdonans Lapolis Eta a te depoze nan tout ane 2021 an. Konte Suffolk te yon lidè nan itilize ERPO yo depi Lwa sou Drapo Woul la te adopte nan out 2019. Depi semèn 16 me a, Biwo Cherif Konte Suffolk la te sèvi 114 òdonans pou pwoteksyon, yon ogmantasyon plis pase 75 pouzan konpare ak tout ane 2021 an.

**Sirentandan Lapolis Eta a, Kevin P. Bruen, te deklare**, "Nou rete konsantre sou rediksyon vyolans ak zam epi nou apresye sipò Gouvènè a nan bay resous ki nesesè pou manm nou yo akonpli misyon sa a. Lwa sou Drapo Wouj la bay ajans pou fè aplike lalwa yo, manm fanmi yo, administratè lekòl yo, pwofesè ak pwofesyonèl sante mantal yo kapasite pou yo entèvni ak anpeche vyolans anvan sa rive. Lapolis Eta a ankouraje piblik la pou yo rete ap obsève aktivite ki sispek nan lekòl oswa kominate yo. Nan rapòte enfòmasyon ki enpòtan, nou tout ka anpeche trajedi yo rive".

Gouvènè Hochul ap anonce ke, nan kad yon patenarya ant Divizyon Sèvis Jistis Kriminèl ak Everytown for Gun Safety, Eta a ap ofri yon konferans anliy gratis pou fòmasyon ki rele "Extreme Risk Protection Orders - Overview for Law Enforcement (Òdonans pou Pwoteksyon kont Risk Ekstrèm - Pezantasyon pou ajans ki fè aplike lalwa)". Fòmasyon an, ke yo te ofri bay tout ajans pou fè aplike lalwa yo nan New York pral fèt nan 24 out, epi pral kouvri idantifikasyon konpòtman risk ekstrèm, jan pou depoze, egzekite ak pwolonje yon ERPO.

**Komisè Divizyon Sèvis Jistis Kriminèl la, Rossana Rosado, te deklare**, "Twò souvan, apre fiziyad an mas yo, nou tandé pale de 'dwapo wouj', modèl pwoblèm oswa konpòtman menasan ki te pase san remake, ki rejte oswa ke yo pa pran oserye. Mwen bat bravo pou aksyon Gouvènè Hochul yo pou ranfòse lwa sou òdonans pwoteksyon kont risk ekstrèm epi ajans mwen an fyè avèk Everytown pou bay ajans ki fè aplike lalwa yo fòmasyon pou ede yo itilize òdonans sa yo kòm yon lòt 'zouti nan bwat zouti yo' pou kenbe kominate yo an sekirite".

**Chèf Egzekitif Konte Suffolk, Steve Bellone, te deklare**, "Gras ak lidèchip Gouvènè Hochul, New York rete nan avangad kontwòl rezonab zam yo. Isit la nan Suffolk, nou fyè pou nou se yon lidè nan itilizasyon Òdonans sou Pwoteksyon kont Risk Ekstrèm yo depi eta a te adopte Lwa sou Dwapo Wouj la an 2019. Nou pral kontinye pran mezi dezisif pou pwoteje kominate nou yo, asire rezidan nou yo san danje, epi kenbe zam afe yo lwen men moun ki ta ka yon danje pou tèt yo oswa lòt yo".

**Komisè Lapolis Konte Suffolk, Rodney K. Harrison, te deklare**, "Konte Suffolk te dirije eta a nan itilizasyon Lwa sou Drapo Wouj la pou kenbe zam afe lwen men moun ke tribunal yo jiye ki poze yon menas pou tèt yo oswa lòt yo epi Depatman Lapolis Konte Suffolk la angaje pou kontinye travay sa a. Mwen bat bravo pou Gouvènè Hochul pou lidèchip yo sou pwoblèm sa a nan bay minisipalite yo zouti yo bezwen pou kenbe rezidan nou yo, epi sitou timoun lekòl ak kliyan yo nan biznis lokal yo, an sekirite".

**Cherif Konte Suffolk la, Errol D. Toulon, Jr. te deklare**, "Konte Suffolk rete lidè ERPO yo nan tout Eta a avèk Cherif Adjwen nou nan avangad yo nan efò pou anpeche pwòch, zanmi ak vwazen yo tounen viktim. Nou pare pou nou kontinye travay avèk ajans ki fè aplike lalwa yo pou pi byen imite toujou Suffolk ki vize anpeche trajedi ak kenbe kominate nou yo an sekirite. Mwen remèsyé Gouvènè Hochul dèské li rekonèt travay difisil ak enpòtan gason ak fanm ajans ki fè aplike lalwa yo nan Eta a ap reyalize chak jou".

**Direktè Prensipal Afè Gouvènman Eta Everytown for Gun Safety, Monisha Henley, te deklare**, "Lwa sou Drapo Wouj yo se yon règleman fondamantal sou sekirite zam ki kenbe zam yo lwen men moun ki nan kriz, kenbe pwòch ak fanmi yo an sekrite epi pwoteje kominate yo nan Eta new York. Nou rekonesan anvè Gouvènè Hochul pou patenarya kontinyèl li, epi nou pa ka tann pou nou kontinye sipòte efò kontinyèl eta a pou asire lwa sa yo aplike toutbon".

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)